

Surxondaryo viloyati avtomobil yo'llari
hududiy bosh boshqarmasi
N I Z O M I

I. Умумий коидалар

1. Ўзбекистон Республикаси Президентининг 2017 йил 14 февралдаги “Йўл хўжалигини бошқариш тизимини янада такомиллаштириш чора-тадбирлари тўғрисида”ги ПФ-4954-сон Фармонига асосан тугатилаётган Автомобиль йўллари куриш ва фойдаланиш давлат-акциядорлик компанияси (“Ўзавтойўл” ДАК) негизида Ўзбекистон Республикаси Автомобиль йўллари давлат қўмитаси ташкил этилган.
2. Ўзбекистон Республикаси Президентининг 2017 йил 14 февралдаги “Ўзбекистон Республикаси Автомобиль йўллари давлат қўмитаси ва Ўзбекистон Республикаси Вазирлар Маҳкамаси ҳузуридаги Республика йўл жамғармаси фаолиятини ташкил этиш тўғрисида”ги ПК-2776-сон қарорига мувофиқ Сурхондарё вилояти автомобиль йўллари ҳудудий бош бошқармаси (кейинги ўринларда - “Бош бошқарма”) Ўзбекистон Республикаси Автомобиль йўллари давлат қўмитаси ташкилий тузилмасига киритилган бўлиб, Ўзбекистон Республикаси Автомобиль йўллари давлат қўмитасининг (кейинги ўринларда - “Муассис”) 2017 йил 29 мартдаги 06-сонли буйруғига асосан ташкил этилган.
3. Ушбу Низом Бош бошқарманинг мақоми, асосий вазифалари, функциялари, ҳуқуқлари ва фаолиятининг ташкилий асосларини белгилайди.
4. Бош бошқарманинг тўлиқ номи:
ўзбек тилида - Сурхондарё вилояти автомобиль йўллари ҳудудий бош бошқармаси (қисқартмаси - Сурхондарё вилояти АИХББ);
рус тилида - Территориальное главное управление по автомобильным дорогам Сурхандарьинской области (қисқартмаси - ТГУАД Сурхандарьинской области).
5. Сурхондарё вилояти автомобиль йўллари ҳудудий бош бошқармаси - “Сурхондарёавтойўл” ҳудудий йўллардан фойдаланиш ташкилотининг ҳуқуқий вориси ҳисобланади.
6. Бош бошқарма ўз фаолиятини Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Муассиснинг қарорлари, фармойишлари ва буйруқларига, мазкур Низомга ҳамда соҳага оид бошқа қонун ҳужжатларига мувофиқ амалга оширади.
Бош бошқарма ўз фаолиятини тўлиқ хўжалик ҳисоби асосида амалга оширади ва бевосита Муассисга буйсунади.
7. Ўзбекистон Республикаси Автомобиль йўллари давлат қўмитаси Бош бошқарманинг Муассиси ҳисобланади.
8. Бош бошқарма ўз вазифалари ва функцияларини амалга оширишда давлат ва хўжалик бошқаруви органлари, маҳаллий ижро этувчи ҳокимият

органлари ва бошқа ташкилотлар билан ўзаро ҳамкорлик қилади.

9. Бош бошқарма Сурхондарё вилоятидаги автомобиль йўлларида давлат томонидан бошқарадиган махсус ваколатли идора бўлиб ҳисобланади ва вилоят ҳудудидаги автомобиль йўллари соҳасида Муассиснинг ягона техника сиёсатини олиб боради.

10. Бош бошқарма таркибига вилоят ҳудудида жойлашган туман йўллардан фойдаланиш унитар корхоналари, кўприклардан фойдаланиш унитар корхонаси, йўллардан мунтазам фойдаланиш унитар корхоналари, давлат унитар корхона шаклидаги минтакавий йўлларга буюртмачи хизмати, унитар корхона шаклидаги минтакавий автомобиль йўллари таъмирлаш бўйича ихтисослаштирилган корхоналар ҳамда Муассис томонидан ўрнатилган тартибда янги ташкил этиладиган корхона ва ташкилотлар қиради.

Бош бошқарма таркибига кирувчи корхона ва ташкилотлар ўзларининг хўжалик мустақиллигини ва юридик шахс мақомини сақлаб қоладилар.

11. Бош бошқармани сақлаш харажатлари Ўзбекистон Республикаси Вазирлар Маҳкамаси ҳузуридаги Республика йўл жамғармаси маблатлари ҳисобидан амалга оширилади.

12. Бош бошқарма давлат рўйхатидан ўтказилган кундан бошлаб юридик шахс мақомига эга бўлади ва унинг фаолият муддати чекланмаган.

13. Бош бошқарма Низомига ўзгартиришлар Муассиснинг қарорига асосан киритилади ва белгиланган тартибда давлат рўйхатидан ўтказилади.

14. Бош бошқарма юридик шахс ҳисобланади, думалоқ муҳрга ва Ўзбекистон Республикаси Давлат герби тасвири туширилган ўз номи давлат тилида ёзилган бланкаларга, алоҳида мол-мулкка, мустақил балансга, Ўзбекистон Республикаси Молия вазирлигининг Ҳазначилигида ҳамда банкларда ҳисоб рақамларига, шунингдек хорижий валюта ҳисоб рақамига эга бўлади.

15. Бош бошқарма қонун ҳужжатларида белгиланган тартибда ўз номидан мулкӣ ва шахсий номулкий ҳуқуқларни олиши ва амалга ошириши, мажбуриятлар олиши, судда даъвогар ва жавобгар бўлиши мумкин.

16. Бош бошқарма бошқа корхона ва ташкилотларнинг Муассиси бўлишга ҳақли эмас.

17. Бош бошқарманинг юридик манзили: Ўзбекистон Республикаси, Сурхондарё вилояти, Термиз шаҳри, Олмазор кўчаси, 42- уй.

II. Бош бошқарманинг асосий вазифалари

18. Бош бошқарманинг асосий вазифалари:
вилоят ҳудудида автомобиль йўллари соҳасида Муассиснинг ягона техник сиёсатини олиб бориш;

вилоят автомобиль йўллари ривожлантириш давлат дастурлари лойихаларини ишлаб чиқиш ва Муассисга киритиш ҳамда тасдиқланган давлат дастурларини амалга ошириш;

вилоят автомобиль йўллари тармоқларини ривожлантириш ва такомиллаштириш истиқболларини белгилаш юзасидан Муассисга таклифлар киритиш;

вилоят ҳудудидан ўтадиган автомобиль йўлларининг халқаро транзит йўлакларини шакллантириш ва ривожлантириш бўйича таклифлар ишлаб чиқиш ва Муассисга киритиш;

замонавий транспорт оқими шароитларида автомобиль йўлларида фойдаланувчиларнинг манфаатларини ҳисобга олиб, автомобиль йўлларида фойдаланиш масалаларини комплекс ҳал этилишини таъминлаш;

умумий фойдаланишдаги автомобиль йўлларини сақлаш, жорий таъмирлаш, табиий офат оқибатларини олдини олиш ва бартараф этиш ҳамда жиҳозлаш (техника, машина-механизмлар, технологик ускуналарни харид қилиш) ишлари бўйича буюртмачилик вазифасини амалга ошириш ҳамда сифати устидан назоратни олиб бориш;

хўжаликлараро қишлоқ автомобиль йўлларининг, шаҳарлар, шаҳар посёлкалари, қишлоқлар ва овуллар кўчаларини лойихалаштириш, қуриш, реконструкция қилиш ва таъмирлаш ишларини мувофиқлаштириш;

илмий-тадқиқот ишларини ташкил этиш, автомобиль йўлларини лойихалаштириш, қуриш, реконструкция қилиш, таъмирлаш ва сақлаш соҳасида инновацион технологиялар ва замонавий стандартларни жорий этиш;

автомобиль йўллари соҳасида кадрларни тайёрлаш, қайта тайёрлаш ва уларнинг малакасини оширишни, ўқув-амалиёт курслари ва семинарлар ташкил этиш.

19. Бош бошқарма ўзига юкланган вазифаларга мувофиқ қуйидаги функцияларни амалга оширади:

умумий фойдаланишдаги автомобиль йўлларини жорий таъмирлаш ва сақлаш борасида техник жиҳатдан тартибга солиш соҳасидаги норматив ҳужжатлар талабларига риоя этилишини таъминлаш;

умумий фойдаланишдаги автомобиль йўллари таъмирлаш ва сақлашда участкаларда ҳаракат хавфсизлигини таъминлашга йуналтирилган тадбирларни амалга ошириш;

Йўл ҳаракати хавфсизлигини таъминлаш мақсадида автотранспорт воситалари ҳаракатини вақтинча чеклаш ёки тухтатишни жорий этиш бўйича тегишли таклифлар киритиш;

Бош бошқарма таркибидаги корхона ва ташкилотлардаги сафарбарлик тайёргарлиги бўйича улар фаолиятини назорат қилиш ва мувофиқлаштириш;

умумий фойдаланишдаги автомобиль йўллари давлат кадастрини юритиш; автомобиль йўллари, шаҳарлар ва бошқа аҳоли пунктлари кучаларининг ҳисобини юритиш;

автомобиль йўлларининг техник ҳолатига қараб автомобиль йўлларини қуриш, реконструкция қилиш ва таъмирлашнинг ҳар йилги дастурларини шакллантириш бўйича Муассисга таклифлар киритиш ва тасдиқланган дастурларни амалга ошириш;

хўжаликлараро қишлоқ автомобиль йўлларини, шаҳарлар, шаҳар посёлкалари, қишлоқлар ва овуллар кучаларини таъмирлашнинг ҳар йилги

дастурларини урнатилган тартибда шакллантириш ва амалга ошириш ишларини мувофиқлаштириш;

вилоят автомобиль йўллари рўйхатини шакллантириш юзасидан Муассисга таклифлар киритиш;

вилоят автомобиль йўллари тармогини такомиллаштириш ва ривожлантириш;

таркибидаги корхона ва ташкилотлар фаолияти мониторингини олиб бориш ва иктисодий таҳлил қилиш, шунингдек таркибидаги корхона ва ташкилотларда молия-хўжалик фаолиятини ва мол-мулкдан фойдаланилишини текшириш;

кулай ва хавфсиз ҳаракатни таъминлаш учун автомобиль йўлларида фойдаланиш, автомобиль йўлларида фойдаланишда йўл ҳаракати хавфсизлиги ва фавқулодда вазиятлар органлари билан узаро ҳамкорлик қилиш;

фуқароларни қабул қилишни ташкил этиш, жисмоний ва юридик шахсларнинг оғзаки ва ёзма мурожаатлари ўз вақтида ва тўлиқ қуриб чиқилишини таъминлаш, улар бўйича қарорлар қабул қилиш ва ариза берувчиларга қонун ҳужжатларида белгиланган муддатда жавоблар юбориш;

вилоят умумий фойдаланишдаги автомобиль йўллари саклаш, жорий таъмирлаш, табиий офат оқибатларини олдини олиш ва бартараф этиш ҳамда жиҳозлаш (техника, машина-механизмлар, технологик ускуналарни харид қилиш) ишлари бўйича буюртмачилик вазифасини амалга ошириш ҳамда сифати устидан назоратни олиб бориш;

вилоят ҳудудидаги хўжаликлараро қишлоқ автомобиль йўлларининг, шаҳарлар, шаҳар посёлкалари, қишлоқлар ва овуллар кучаларини лойиҳалаштириш, қуриш, реконструкция қилиш ва таъмирлаш ишларини мувофиқлаштириш;

вилоят умумий фойдаланишдаги автомобиль йўллари жорий таъмирлаш ва саклаш устидан техник кузатиш;

вилоят умумий фойдаланишдаги автомобиль йўллари саклаш ва жорий таъмирлашда қулланадиган йўл-қурилиш материаллари, буюмлар ва конструкцияларнинг сифати устидан назорат қилиш;

вилоят ҳудудидаги хўжаликлараро қишлоқ автомобиль йўллари, шаҳарлар, шаҳар посёлкалари, қишлоқлар ва овуллар кучалари тармогини ривожлантириш ва такомиллаштириш юзасидан шаҳарлар ва туманларнинг бош режаларини ишлаб чиқишда иштирок этиш;

автомобиль йўллари соҳасида техник жиҳатдан тартибга солиш борасидаги норматив ҳужжатларни ишлаб чиқиш ва такомиллаштириш бўйича Муассисга таклифлар киритиш;

автомобиль йўллари соҳасидаги норматив-ҳуқуқий ҳужжатлар лойиҳаларини ишлаб чиқишда иштирок этиш;

автомобиль йўллари лойиҳалаштириш, қуриш, реконструкция қилиш, таъмирлаш ва саклаш соҳасида илмий-тадқиқот ишларини ташкил этиш ва олиб бориш;

йўл қурилишини прогнозлаштириш, мувофиқлаштириш ва амалга оширишнинг замонавий усуллари талабларига мувофиқ автомобиль йўллари соҳасида малакали кадрлар тайёрланишини, қайта тайёрланишини таъминлаш;

ўқувчиларнинг олинган назарий билимларини ишлаб чиқариш амалиётида мустаҳкамлаш мақсадида соҳага оид таълим муассасалари билан узаро ҳамкорлик қилиш;

вилоят ҳудудидаги хўжаликлараро қишлоқ автомобиль йўллари, шаҳарлар, шаҳар посёлкалари, қишлоқлар ва овуллар кучаларининг мавжуд тармогини таъмирлаш бўйича маҳаллий ижро этувчи ҳокимият органлари билан келишилган ҳолда йўл таъмирлаш ишлари манзил руйхатларини ишлаб чиқиш ва куриб чиқиш учун Муассисга киритиш;

ишлаб чиқаришни техникавий ва ашёвий таъминоти, аниқ иш бажарувчини танлаш, иш хақи тулашни урнатилган тартиб ва усулларни куллаш, ишчи хизматчиларни ижтимоий химоялаш, шунингдек атроф-муҳитни муҳофаза қилиш талабларини бажарилишини ва табиий ресурслардан оқилона фойдаланишни назорат қилиш;

умумий фойдаланишдаги автомобиль йўллари жорий таъмирлаш ва сақлаш ишлари маблағларидан самарали фойдаланиш ва уларни автомобиль йўлларининг аҳамияти бўйича амалдаги қонунчилик талаблари асосида йуналтириш ишларини мувофиқлаштириш.

III. Муассиснинг ҳуқуқ ва мажбуриятлари

20. Муассис қонун ҳужжатларида белгиланган тартибда қуйидаги ҳуқуқларга эга:

Бош бошқарма фаолиятининг мақсади, вазифалари, функциялари, предмета, турларини белгилаш;

Бош бошқарма Низомини тасдиқлаш, унга ўзгартириш ва қўшимчалар киритиш ҳамда бекор қилиш;

Бош бошқарма бошлигини ўрнатилган тартибда тайинлаш, у билан меҳнат шартномасини тузиш ва тузилган меҳнат шартномасини белгиланган тартибда муддатидан олдин бекор қилиш;

Бош бошқармани қайта ташкил этиш ва (ёки) тугатиш, номини ўзгартириш тўғрисида қарорлар қабул қилиш, тугатиш комиссиясини тайинлаш ва тугатиш балансларини тасдиқлаш;

Бош бошқарма мулкига оид битишувларни ҳақиқий эмас деб эътироф этиш тўғрисидаги даъво билан судга мурожаат қилиш;

Бош бошқарманинг ортикча, фойдаланилмаётган ёхуд белгиланган мақсадда фойдаланилмаётган мулкни урнатилган тартибда олиб қуйиш ва уларни тасарруф этиш;

Бош бошқарма ва унинг таркибидаги корхона ва ташкилотлар бошқарув аппарата ташкилий тузилмасига бошқарув ходимларининг белгиланган чекланган умумий сони доирасида ўзгартиришлар киритиш;

Ўтказилган зарарларни ундириш тўғрисида Бош бошқарма бошлиги ҳамда Бош бошқарма таркибидаги корхона ва ташкилотлар раҳбарларига нисбатан судларга даъво тақдим этиш;

Ўзбекистон Республикаси қонунчилигида назар да тутилган барча ҳуқуқ ва имтиёزلардан фойдаланиш.

21. Муассис қуйидагиларга мажбур:

Бош бошқарма бошлигини урнатилган тартибда тайинлаш, меҳнат тўғрисидаги қонун ҳужжатларига мувофиқ Бош бошқарма бошлиги билан меҳнат шартномасини тузиш;

Бош бошқармага берилган мулкдан мақсадли фойдаланилишини ва сақланишини, шунингдек унинг бегоналаштирилишини назорат қилиш.

IV. Бош бошқарманинг ҳуқуқ ва мажбуриятлари

22. Бош бошқарма қонун ҳужжатларида белгиланган тартибда қуйидаги ҳуқуқларга эга:

вилоят Ўл хўжалиги фаолиятидаги барча масалалар бўйича тегишли давлат бошқарув идораларига таклифлар, фикр-мулоҳазалар киритиш;

меҳнат унумдорлигини ошириш ва ишларнинг сифатини таъминлайдиган меҳнатга ҳақ тулашнинг турли шакллари қўллаш;

меҳнат жамоасини ижтимоий ривожлантириш масалаларини ҳал қилиш, давлат органлари, уюшмалар, корхоналар ва ташкилотлар билан узаро муносабатларда Бош бошқарма таркибига кирувчи корхона ва ташкилотлар манфаатларини ҳимоя қилувчи вакил бўлиш;

таркибига кирувчи корхона ва ташкилотларнинг молиявий-хўжалик фаолиятдан олинган соф фойдалари ҳисобидан Муассис билан келишилган ҳолда марказлашган жамғармалар ташкил қилиш, ҳамда Муассиснинг марказлашган жамғармасига ушбу корхона ва ташкилотларнинг соф фойдаси ҳисобидан (Ўзбекистан Республикаси Вазирлар Маҳкамасининг 2014 йил 9 июндаги 149-сонли қарори билан белгиланган зарурий фойда миқдори бундан мустасно) урнатилган ажратмаларни (туловларни) йитиб марказлашган ҳолда тулаш;

Ўзбекистан Республикаси қонунчилигида назарда тутилган барча ҳуқуқ ва имтиёزلардан фойдаланиш.

23. Бош бошқарма бошлити Бош бошқарманинг яккабошчилик тартибда фаолият юритувчи ижрочи раҳбари ҳисобланади ва Бош бошқарма олдида хўйилган вазифаларнинг бажарилишини ташкил этади, хусусан Бош бошқарма номидан ишончномасиз фаолият курсатади, шу жумладан унинг манфаатларини фойдалайди. Бош бошқарма номидан битимларни белгиланган тартибда амалга оширади, ходимларни ишга қабул қилади, улар билан меҳнат шартномаларини тузади, уларни узгартиради ва бекор қилади, буйруқлар чиқаради ва қонун ҳужжатларида белгиланган тартибда ишончномалар беради.

24. Бош бошқарма бошлити Бош бошқармага юкланган вазифа ва функцияларга мувофиқ Бош бошқарма фаолиятининг ташкил этилиши учун шахсан жавоб беради.

25. Бош бошқарма бошлити Бош бошқарма ходимларининг штат жадвали бўйича сони, уларнинг лавозим тариф разрядлари ва иш хақи миқдорларини Муассис билан келишилган ҳолда тасдиқлайди.

26. Бош бошқарма бошлити Муассис олдида ушбу Низомда белгиланган тартибда Бош бошқарма фаолияти тўғрисида ҳисоб беради.

27. Бош бошқарма бошлити ўз ҳуқуқ ва мажбуриятларини амалга оширишда ва вазифаларини бажаришда Бош бошқарма ва унинг таркибидаги корхона ва

ташкilotлар манфаатларини кузлаб харакат қилади, бюджет ва бюджетдан ташкари фондларга мажбурий туловларни, иш хаки ни уз вақтида туланиши, меҳнат ҳуқуқлари ва муносабатларидан, уларга тенглаштирилган туловлардан келиб чиқадиган барча талабларнинг кондирилиши, Бош бошқарманинг ишлаб чиқариш фаолияти билан бевосита боғлиқ булган эҳтиёжлар учун пул маблағларининг ўтказилмаганлиги, ўзининг харакати (харакатсизлиги) туфайли, шу жумладан Бош бошқармага берилган мол-мулкларнинг тўлиқ сакланиши учун қонун ҳужжатларида белгиланган тартибда жавоб беради.

28. Бош бошқарма уз таркибидаги корхона ва ташкilotлар томонидан бюджет ва бюджетдан ташкари мақсадли жамғармаларга туловларнинг, корхона ва ташкilotлардаги ишчи-ҳодимларнинг иш хаки ва унта тенглаштирилган туловларни уз муддатида амалга оширилишини ташкиллаштириш учун шахсан жавобгар ҳисобланади.

Шунингдек, Бош бошқарма уз таркибидаги корхона ва ташкilotларнинг молиявий-иктисодий курсаткичларини тўлиқ мониторингини юритади, дебитор ва кредитор қарздорликларнинг ошишига, корхона ва ташкilotлар томонидан асоссиз харажатларга Йўл қуйилмаслиги бўйича шахсан жавобгар ҳисобланади.

29. Бош бошқарма қуйидагиларга мажбур:

вилоят ҳудудидаги автомобиль Йўлларининг соз ҳолатини, уларда транспорт воситаларининг узлуксиз ва хавфсиз юришини таъминлаш чораларини қуришга;

вилоят ҳудудидаги автомобиль Йўллари сифатли ва уз вақтида жорий таъмирланиши ва сакланишини таъминлашга;

таркибидаги корхона ва ташкilotлар томонидан молиявий маблағлар, энергия ресурслари, ишлаб чиқариш қувватлари ва Йўл-қурилиш техникасидан самарали фойдаланилишини ташкил этишга;

Бош бошқармага берилган мулкдан мақсадли фойдаланиши ва сакланиши, шунингдек унинг бегоналаштирилишини назорат қилишга;

Ўзбекистан Республикасининг амалдаги қонунчилигига катъий равишда риоя қилишга.

V. Бош бошқарманинг жавобгарлиги

30. Бош бошқарма уз мажбуриятлари бўйича узига тегишли мулк билан жавоб беради. Бош бошқарма Муассис ва Бош бошқарма таркибидаги корхона ва ташкilotларнинг мажбуриятлари бўйича жавоб бермайди.

Муассис Бош бошқарма ва унинг таркибидаги корхона ва ташкilotларнинг мажбуриятлари бўйича жавоб бермайди.

VI. Бош бошқарма фаолиятини ташкил этиш

31. Бош бошқармани Муассис томонидан урнатилган тартибда тайинланган бошлиқ бошқаради. Бош бошқарма бошлиги ўринбосари, бош муҳандиси ва бош ҳисобчиси Муассис билан келишилган ҳолда Бош бошқарма бошлиги томонидан лавозимга тайинланади ва озод этилади.

32. Бош бошқарма ҳисобот даври тугагач, ваколатли органларга молиявий

хисоботни ва рўйхати қонун ҳужжатларида белгиланган бошқа ҳужжатларни тақдим этади, ҳамда ҳужжатларнинг сақланиши ва уларнинг белгиланган тартибда давлат томонидан сақлашга берилиши учун жавоб беради.

33. Бош бошқарма ҳисобот даври (чораклик, йиллик) якуни бўйича узининг ва таркибидаги корхона ва ташкилотларнинг йигма баланс, молиявий ва бухгалтерия ҳисоботларини Муассисга урнатилган тартибда топширади. Бош бошқарма уз таркибидаги корхона ва ташкилотлар балансларининг тўлиқлигини назорат қилади ва ҳаққонийлигига жавоб беради ҳамда ушбу масалалар учун масъул ва жавобгар ҳисобланади.

34. Бош бошқарма фаолиятини хўжалик юритувчи орган сифатида назорат қилиш қонун ҳужжатларида белгиланган тартибда Муассис ва бошқа ваколатли органлар томонидан амалга оширилади.

35. Бош бошқарма мулки давлат мулки ҳисобланади, ҳамда:
Муассис томонидан Бош бошқармага бириктирилган (берилган) мулк;
Бош бошқарманинг уз фаолиятдан олинган даромадлари ҳамда қонун ҳужжатларига зид булмаган бошқа манбаалар ҳисобига шакллантирилади;
Бош бошқарма мулкининг қиймати унинг мустақил балансида акс эттирилади.

36. Бош бошқарма мулки булинмас мулк ҳисобланади.

37. Бош бошқарма мулкини тасарруф этиш куйидаги ҳолларда Бош бошқарма бошлиғи томонидан фақат Муассис билан келишган ҳолда амалга оширилади:
асосий воситаларни балансдан чиқариш, сотиш, уларни ижарага ёки гаровга топшириш;
мулкни бошқа хўжалик жамияти устав фондига улуш сифатида кушиш;
мулкни Бош бошқарма фаолияти мақсадларига мувофиқ булмаган бошқача тарзда тасарруф этиш.

VII. Бош бошқармани қайта ташкил этиш ва тугатиш

38. Бош бошқарма Муассис қарори билан қонун ҳужжатларида белгиланган тартибда ёхуд суд қарорига биноан қайта ташкил этилиши ёки тугатилиши мумкин.

VIII. Якуний қоидалар

39. Ушбу Низомда тартибга солинмаган масалалар Ўзбекистан Республикасининг амалдаги қонун ҳужжатларида белгиланган тартибда ҳал қилинади.

40. Низом амалдаги қонунга мувофиқ руйхатдан ўтказилган кундан бошлаб қучга қиради.

Бош бошқарма бошлиги _____